

8. oktober 2018

Uunga siunnersuut: Ilisimatusarfik pillugu Inatsisartut inatsisaat nr. xx, xx. xxx 2018-imeersoq

Matumuuna Ilisimatusarfik pillugu Inatsisissatut siunnersuut sulii nr-lerneqanngitsoq Naalakkersuisut saqqummiussaannut qujalluta Siumumiit imak oqaaseqarfigissavarput.

Siullermik pingaartitatut oqaatigerusupparput ineriartorneq sutigit tamatigit pitsaasoq Siumup tapersorsorlugu anersaaqarfigalugu ingerlammagu. Pingaartumik inuiannut pingaaruteqarluinnartoq ilinniaritaaneq pineqartillugu Siumut suliniuteqartuarpoq. Siumumiillu erseqqissassavarput taamanikkut Nunatsinni nammineq ilisimatusarfeqalernissarput Siumup ilungersuuteqarneratigit piviusunngormat, anguniaratsigumi Kalaallit Nunatsinni nammineerluta ilisimatusarfeqartariaqartugut Kalaallit uagut kinaassutsitsinnik kulturitsinnik ersarissumik aallaaveqartumik nunarsuarmioqataa-nermillu pingaartitsilluni ineriartortitsiviusumik.

Aallartilluanninneranili Naalakkersuisup saqqummiussaannut qujavugut. Nuannaarutigalugu oqaatiginngitsoorusunnangilaq nunatsinnut tulluusimaarnarluinnarmat ilinniartitaaneq taamak qaffasitsigisoq nunarput qimannikkaluarlugu ingerlanneqarsinnaammat. Taamaattumik tamatta siunissamut ungasissumut isigaluta isumalluarnissatsinnut pissutissaqarpugut.

Taamannak naatsumik oqaaseqarluta Inatsisissatut siunnersuut tigulluarparput, ataatsimiititaliamilu misissorluarneqarnissaa inassutigaarput, taamaalilluta aqqitassaqarpat aqqitassat aqqissuunneqarsinnaassammata.

Qujanaq.